

# FUNDAZIUN SCHMELZRA S-CHARL / MINIERS DA S-CHARL

## Rapport annual 2021

La radunanza generala dals Miniers da S-charl ha gnü lö als 11 gün 2021 illa baselgia da S-charl. 26 commembras e commembers han chattà la via per tadlar nossas activitats. Nos referent Cristian Conradin, president dals « Amis da las minieras Val Müstair », referit davart lur activitats e l'istorigia da las minieras al pass dal Fuorn. Als 29 mai vaina prestà lavur cumüna cun lavuors illa Schmelzra e contuorns. Id es adüna plü greiv a chattar personas chi s'ingaschan voluntariamaing per la lavur cumüna. L'avantmezdi da la radunanza han las duonnas puli il museum per ch'el saja net al di da l'avertüra, dumengia, als 13 da gün. Helena, nossa manadra dal museum, ha perdet il kiosk dal museum cun tuot ils artichels da vendita.

La chascha dals Miniers 2020 serra cun ün guadogn da fr. 3'057.90. Uschè amunta la facultà da la società ad ün import da fr. 15'260.25. Causa cha l'an scuors eira eir curunà cun ün guadogn remarchabel da fr. 4'103.65, decidet la radunanza da cumprar üna vaidrina per expuoner las glüms da la famiglia Heer da San Murezzan ed eir las glüms dals miniers chi sun fingià lönch in possess da la Fundaziun Schmelzra e mai statta expostas. Quist s'haja lura realisà e la vaidrina as preschainta bain ed es integrada al dret lö da l'exposiziun.

Il cumün da Scuol ha decis da pagar fr. 500.-- per l'adöver public da las tualettas. Implü ha il cussagl da cumün decis da pagar ün import da fr. 1'000.-- a nossa società. Quista decisiun davart dal cumün es fich salüdaivla e nus ingrazchain fich..

La collavuraziun culla Biosfera Val Müstair es fich allegraivla. Culla manadra, Angelika Abderhalden, vain nus üna fich buna collavuraziun e profittain da divers progets chi vegnan manats da la Biosfera. Uschè vaina salvà duos « workshops », ün als 5 october 2021 cul tema « Inwertsetzung der Kulturlandschaft um das Museum Schmelzra S-charl » e l'oter als 23 october 2021 cul tema « Persistenza in connex culla promoziun dal Museum Schmelzra S-charl ». Quista lavur stà eir in connex cun nossas activitats per promover il museum cun ün fabricat annex e cun activar las ruinas e'ls contuorns dal museum.

Ün ulteriur proget es la collavuraziun in üna cumischiun chantunala chi tratta ils museums chi han ragischs fin aint il medioevo. Nos museum po muossar quellas ragischs cul nom « Museen und Kulturtourismus – Mittelalterland ».

Tras tuot quists aspets vain nus eir lantschà üna dumonda al chantun, Uffizi da cultura, per survgnir ün sustegn finanziel suot il titel « Promoziun culturala 2021-2024 ». Quista dumonda es gnüda trattada positivmaing dal chantun, uschè cha nus vain pudü suottascriver üna « Cunvegna da prestaziun » chi prevezza da pagar d'ürant ils 4 ons fr. 8'000.— culla cundiziun da tgnair aint il concept inoltrà.

La Società Miniers da S-charl e la Fundaziun Schmelzra S-charl sun gnüdas delibera- das da l'oblig da pagar impostas al chantun.

Il president Peder Rauch e René Wäger, nos nouv manader da gitas sun stats gio'l Tirol dal süd ad üna sezzüda da « l'Arbeitskreis Cultura Raetica », organisà da la Terra Raetica. Quel ha gnü lö als 11 october 2021 a Schlanders culla visita da l'ulteriur